

Cantica Cantorum, super Judicium. Fecit & sermones hos; de laudibus Ecclesie in Dedicatione templi, de Paradiso, de Arca Noë, de Tabernaculo Fœderis, de Templo Salomonis; & de muliere, per quam Ecclesia significatur. De Civitate Sancta Hierusalem; de Basilicis, quæ ab Episcopis dedicantur. Item de Evangelis: de ornamentis Ecclesie, de Fide, de Spe, de Charitate, de quatuor virtutibus, de Humilitate, de Misericordia, de Pace, de Patientia, de Castitate, de Obedientia, de Abstinencia: Ubi Ecclesia ornatur, de novo Mundo, de Cælis novis, de nubibus novis, de montibus novis, de arboribus novis, de potestatibus novis, de mari & piscatoribus novis, de avibus novis, de fluminibus novis, de animalibus novis: De festivitibus festivitatum, idest de Sancta Trinitate sermones tres; de Nativitate Domini, de Circumcisione, de Epiphania, de octava Epiphaniæ, de Palmis, de Cœna Domini, de Pascha, de Ascensione Domini, de Pentecoste, de Nativitate Sanctæ Mariæ, de Annunciatione, de Purificatione, de Assumptione ejus, de Virginibus sermones tres, de Martyribus sermones septem: homiliam in festivitibus Confessorum, aliam in festivitate Sancti Benedicti, cum sermonibus duobus de Pontificibus; quatuor de Sancto Angelo: de Apostolis homilias quinque, de pluribus Martyribus tres, de uno Martyre duas, de dedicatione Ecclesie, in Adventu Domini, Dominica secunda de Adventu, Dominica tertia, de Annunciatione Beatæ Mariæ homilias duas: de Dominica quarta de Adventu: In Vigilia Nativitatis Domini, in Die homilias tres: in Sancti Stephani, in Sancti Joannis Evangelistæ, in festivitate Innocentium, Dominica prima post Natalem Domini, in octava Domini, in Epiphania: Dominica prima post Epiphaniam, Dominica tertia, quarta & quinta. In Purificatione Sanctæ Mariæ, in Septuagesima, in Sexagesima, in Quinquagesima, in cinere & cilicio. Feria sexta & Sabbatho in capite Quadragesimæ usque in cœnam Domini homilias quadraginta. In cœna Domini, Sabbatho Sancto, in festivitate Paschali, in feria secunda, tertia, quarta, quinta, & sexta, & Sabbatho in octavis Paschalibus; in Dominica prima, secunda, tertia, & quarta post octavas Paschæ, in processione majori; in festivitate Apostolorum Philippi & Jacobi, in Inventione Sanctæ Crucis, in Sancto Angelo, in Ascensione Domini, in Do-

A minica prima post Ascensionem Domini, in Pentecoste, Dominica prima post octavam Pentecosten. Dominica secunda, tertia, & quarta. In S. Joannis Baptistæ, in vigilia Apostolorum Petri & Pauli, & in die eorum, in Dominica prima post Natalem Apostolorum cum homiliis viginti quatuor. In S. Laurentio, in Assumptione Sanctæ Mariæ. S. Matthæi, vigilia S. Andreæ, & in die ejusdem: sermonem de Sancta Scholastica; sermonem de translatione S. Stephani è Civitate Constantinopolitana ad Arcem Romanam: versus in laudem Sanctæ Mariæ; homiliam in decollatione Sancti Joannis Baptistæ, in Nativitate Sanctæ Mariæ. Fuit autem temporibus supradictorum Imperatorum. Sepultus est in Episcopatu suo apud Civitatem Signinam.

ANNO TATIO.

C S Anctus Bruno Aste natus est ex familia Soteria nobilissima, à Gregorio Septimo Episcopus Signinus creatur, in virtutum, ac doctrinæ præmium, quod Berengarium impiè de Sacramento Altaris sentientem in publico Romano Concilio disputando profligasset: deinde desiderio vitæ contemplatricis tactus abdicato onere Episcopali Monachum Casinensem professus est Anno 1104. ubi postea omnium Monachorum suffragio Abbas Casinas electus Anno 1107. Idibus Novembris, ibique præfuit Annis tribus & mensibus 10. quibus exactis, ad Ecclesiam Signinam, quam perinvitus acceperat, rediit, Pontificis reverentia victus. Nos verò ne tanti Doctoris laudes culpa deteramus ingenii, calamique parum felicitis, illum aliis mittimus laudandum. Opuscula Brunonis duobus distincta tomis in lucem prodierunt Anno 1651. Venetiis studio & opera D. Mauri Marchesi Casinensis Decani scholiisque etiam illustrata: & licet non omnes lucubrations, quæ in nostri Petri Elencho descriptæ sunt, inibi legantur; multæ tamen, quas Petrus præterit, ibi habentur: nonnullæ verò MSS. extant Taurini in nobilissima ac celeberrima Bibliotheca Serenissimi Sabaudiarum Ducis, præsertim verò Commentarius in cuncta quatuor Evangelia, uti etiam aliqua in Biblioth. Illustrissimi D. Caroli de Montchal Archiepiscopi Tholosani, scribit Philippus Labbeus in nova Biblioth. MSS. librorum pag. 199. Forfan tempus, quod publica abscondit, & occulta manifestat, Dei miseratione orbem tantis ditabit continuo thesauris. Consule auctarium de script. Eccles. Auberti Miræi in Brunone, ac Vir. Clar. Theophilum Raynaudum Societatis Jesu, de malis ac bonis libris partit. 1. erot. 10. in Eusebio Emiseno, & in Brunone Chartus. fol. 131. & 138. E valle miseriarum in montes æternitatis ascendit Bruno Anno 1125. 15. Kal. Augusti, cum multis tam in vita, quam in morte clauisset miraculis, relatus postea inter Sanctos à Lucio III. ut videre est in subiecta inscriptione marmorea, quæ in Signina Cathedrali spectatur. *Memoria æternæ, Beati Brunonis, quem Lucius III. Pontif. Max. Card. & Episc.*